

Evening Dogri (NSD) Bulletin 23-11-2024

आकाशवाणी

खास खास खबरां

1. प्रधानमंत्री नरेन्द्र मोदी होरें आखेआ ऐ जे रिफार्म, परफार्म ते ट्रांसफार्म यानि सुधार, कारीगिरें बदलाव दे मंत्र कन्नै भारत गी दुनिया च मानता थोई ऐ।
2. बीजेपी दी अगुवाई आले गठजोड़ महायुति गी महाराष्ट्र असेंबली चुनाएं च बड्डी जित्त हासल होआ करदी ऐ। इंडिया ब्लाक नै झारखंड च अपनी हकूमत गी बरकरार रखेआ ऐ।
3. प्रधानमंत्री मोदी होर कल मन की बात प्रोग्राम च अपने बचार सांझे करगन।
4. अंतर्राष्ट्रीय माली फंड आईएमएफ नै 2 अरब 90 करोड़ अमरीकी डॉलर दे माली प्रोग्राम तैहत त्री समीक्षा पूरी होने दे मगरा श्रीलंका कन्नै स्टाफ स्तरै दे समझौते दी घोषणा कीती ऐ।
5. बार्डर गवास्कर ट्रॉफी दे पैहले क्रिकेट टैस्ट मैच दे दुए दिन भारत नै आस्ट्रेलिया दे खलाफ 218एं रंजें दी बढ़तरी बनाई लैती ऐ।

<><><><><><>

PM Modi

प्रधानमंत्री नरेन्द्र मोदी होरें आखेआ ऐ जे अज्ज भारत दुनिया दी सारे शा तेजी कन्नै बघदी बड्डी अर्थबवस्था ऐ ते दुनिया दा हर मुख्य विकास लेई भारत कन्नै साझेदारी करना चांहदा ऐ। जर्मनी दे स्टगार्ट च मीडिया हाउस आस्सेआ आयोजित इक कार्यक्रम च वीडियो कांफ्रेंसिंग राएं संबोधत करदे होई उनें आखेआ जे अज्ज हर कोई भारत दी सामरिक महत्ता गी समझा करदा ऐ।

“भारत—जर्मनी सतत विकास लेई इक खाका” विषय पर आयोजित इस कार्यक्रम च मोदी होरें आखेआ जे पिछले 10एं बरें च उंदी सरकार आस्सेआ लागू कीते जा’रदे रिफार्म, परफार्म ते ट्रांसफार्म आले मूलमंत्र दे कारण भारत उप्पर दुनिया दा भरोसा बी बघेआ ऐ। उनें आखेआ जे भारत नै हर क्षेत्र च नमियां नीतियां आंदियां न ते अपने आपै गी 21मीं सदी च तेजिया कन्नै विकास दी रफ्तार फगड़ने लेई तैआर कीता ऐ। मोदी होरें आखेआ ऐ जे 2047 तगर भारत गी इक विकसित मुख्य बनाने लेई इक मजबूत मुंड पाई दित्ता गेदा ऐ, जेह्दे उप्पर विकसित भारत दी विशाल इमारत दा निर्माण कीता जाग।

<><><><><><>

Election Result

महाराष्ट्र असैम्बली चुनाएं च बीजेपी दी अगुवाई आहला महायुती गठबंधन बड्डी जित्त बक्खी अगड़ा बधै करदा ऐ जिसलै के झारखंड च सत्ता दी कमान इंडी गठबंधन दे हत्थें च गै रौहग। महाराष्ट्र दिएं कुल 288 सीटें चा बीजेपी नै अजें तगर 84 सीटां जित्ती लैती दिआं न जिसलै के 49 सीटें पर ओह अगगे चलै करदी ऐ। तोआई एकनाथ शिंदे हुंदी अगुवाई आहली शिव सेना नै 40 सीटां जित्ती लैती दिआं न ते उन्नै 17 सीटें पर बढ़त बनाई दी ऐ। कांग्रेस नै 10 सीटां जित्ती दिआं न ते ओह फिलहाल 5एं सीटें पर अगगे ऐ जिसलै के शरद पवार गुट आहली एनसीपी 5 सीटां जित्ती चुकी दी ऐ ते 4 सीटें पर ओह अगगे चलै करदी ऐ। दुई बक्खी झारखंड दिएं कुल 81एं सीटें चा सत्ताधारी झारखंड मुक्ति मोर्चा नै 22 सीटां जित्ती दिआं न ते ओह 12 सीटें पर अगगे ऐ। कांग्रेस पार्टी नै उत्थेद 11 सीटां जित्ती लैती दिआं न ते ओह 5 सीटें पर अगगे चलै करदी ऐ जिसलै के बीजेपी गी 15 सीटां हासल होई गेदिआं न ते उन्नै 6 सीटें पर बढ़त बनाई दी ऐ। वायनाड ते नांदेड़ आहलिएं द’ऊं लोकसभा सीटें पर होए दे उपचुनांS ते बक्ख—बक्ख राज्यें च केई सारी विधानसभा सीटें लेई होए दे उप—चुनाएं दे वोटें दी गिनतरी बी अज्ज गै होआ’रदी ऐ। केरल दे वायनाड संसदी हलके च प्रियंका गांधी वाडरा होर 4 लक्ख शा मते वोटें दे फर्क कन्नै

बङ्गी जित्त हासल करी लैती ऐ जिसलै के महाराष्ट्र च बीजेपी दे मेदवार
 डाक्टर संतुकराव हम्बारडे होरें कांग्रेस पार्टी दे रविंदर चवन हुंदे थमां 39 जहार
 शा मते वोटें दी बढ़त बनाई दी ऐ। पच्छिम बंगाल दे उपचुनाएं च त्रिमूल कांग्रेस
 नै सब्बै 6 सीटां जित्ती लैतियां न। बिहार च हुकमरान एनडीए नै सब्बै चार
 असेंबली सीटें पर जित्त हासल कीती ऐ। पंजाब च आम आदमी पार्टी नै 3 जेल्ले
 के कांग्रेस नै इक सीट जित्ती ऐ। छत्तीसगढ़ च हूकमरान बीजेपी ने रायपुर सीटी
 साउथ सीट पर जित्त हासल कीती ऐ। कर्नाटक च सत्तादारी कांग्रेस नै 3 सीटां
 जित्तियां न। मेघालय च हूकमरान एनपीपी नै इक सीट जित्ती लैती ऐ।
 उत्तराखंड च केदारनाथ असेंबली सीट पर बीजेपी नै जित्त हासल कीती ऐ।
 गुजरात च बीजेपी नै इक्कली सीट पर होए दे चुनां जित्ती लैता ऐ। तोआई
 उत्तर प्रदेश दिएं 9 असेंबली सीटें लेई होए दे उपचुनां दे नतीजे दा ऐलान करी
 दित्ता गेदा ऐ। उत्तर प्रदेश च बीजेपी नै उत्थें 6 सीटां जित्तियां न जदके
 समाजवादी पार्टी ने 2 ते राष्ट्री लोक दल नै 1 सीट जित्ती ऐ।

<><><><><><>

PM-Election

प्रधानमंत्री नरेन्द्र मोदी होरें महाराष्ट्र असेंबली दे चुनाएं च एनडीए गी एतिहासक
 सनादेश देने लेई महाराष्ट्र दे लोकें खास करियै महिलाएं ते नोजवानें दा
 धन्नबाद कीता ऐ। सोशल मीडिया पर इक पोस्ट च श्री मोदी होरें आखेआ जे
 एह राज्य च विकास ते खरे शासन दी जित्त ऐ। उनें लोकें गी भरोसा दित्ता जे
 एह गठजोड़ महाराष्ट्र दी प्रगति लेई कम्म करदा रौहग। प्रधानमंत्री होरें झारखंड
 दे लोकें गी बीजेपी दे प्रति समर्थन लेई धन्नबाद कीता। उनें आखेआ जे पार्टी
 म्हेशां लोकें दे मुद्दे चुक्कने ते राज्य लेईकम्म करने च सब्बने कोला अग्गे
 रौहग। उनें राज्य च खरे प्रदर्शन लेई झारखंड मुक्ति मोर्चा दी अगुवाई आले
 गठजोड़ गी ममारखां दित्तियां।

<><><><><><>

PM-Man Ki Baat

प्रधानमंत्री नरेन्द्र मोदी होर कल आकाशवाणी पर “मन की बात” कार्यक्रम राएं देश ते विदेश दे लोकें कन्नै अपने बचार सांझे करगंन। एह इस म्हीने रेडियो कार्यक्रम दी 116मीं किशत होग। एह कार्यक्रम आकाशवाणी ते दूरदर्शन दे समूलचे नेटवर्क उप्पर ए.आईआर दी वैबसाइट उप्पर ते न्यूज़ ऑन एयर मोबाइल ऐप उप्पर प्रसारत कीता जाग। एहदे इलावा एयर न्यूज़, डीडी न्यूज़, पीएमओ ते सूचना ते प्रसारण मंत्रालय दे यूट्यूब चैनलें उप्पर बी सिद्दा प्रसारण कीता जाग। आकाशवाणी दे इस कार्यक्रम गी हिंदी प्रसारण दे तुरत मगरा क्षेत्रीय भाषाएं च बी प्रसारत कीता जाग। बडलै 11 बजे होने आले मन की बात दे हिंदी प्रसारण दे तुरत मगरा एहदा डोगरी च अनुवाद प्रसारत रातीं 8 बजे बी कीता जाग। आकाशवाणी दा क्षेत्रीय समाचार एकांश जम्मू “मन की बात” पर इक परिचर्चा कल रातीं सांझे 10 बजे करोग।

<><><><><><>

PM-Quiz

प्रधानमंत्री नरेन्द्र मोदी होरें भारतवासिएं ते होरने देसै दे लोकें गी “भारत को जानिए” नां दे क्विज़ च हिस्सा लैने लेई आखेआ ऐ। इक सोशल मीडिया पोस्ट च प्रधानमंत्री होरें आखेआ जे एह प्रश्नोतरी प्रतियोगिता भारत ते समूलची दुनिया च रौहने आले भारतीय मूल दे लोकें बश्कार सरबंघें गी होर निगगर बनांदी ऐ। मोदी होरें इसी देश दी सगोसार विरासत ते जीवंत संस्कृति गी जानने दा इक शानदार जरिया गलांदे होई आखेआ ते इस क्विज़ दे जेतुएं गी “अतुल्य भारत” दे दर्शन करने दा मौका थोग।

<><><><><><>

National Monuments

संस्कृति मंत्री गजेन्द्र सिंह शेखावत होरें प्रधानमंत्री नरेन्द्र मोदी हुंदे विकास बी, विरासत बी दे दृष्टिकोण दा उज्जेख कीता ऐं उनें आखेआ जे मुख्ये नै पिछले 10एं बरें च बक्ख-बक्ख क्षेत्रें च जबरदस्त तरक्की होंदी दिक्खी ऐ। नमीं दिल्ली च राष्ट्रीय स्मारक प्राधिकरण दे 14में स्थापना ध्याड़े लग्गे दे प्रोग्राम च भाषण दिंदे होई मंत्री होरें सांस्कृतिक विरासत दी हिफाजत च स्मारकें दे महत्वै दा जिक्र कीता। उनें आखेआ जे हून भारत दी संस्कृति, योग, वास्तुकला ते ज्ञान गी कुल संसारी च मान्यता थोआ करदी ऐ। श्री शेखावत होरें राष्ट्रीय हिफाजत लेई राष्ट्रीय स्मारक प्राधिकरण दी सराहना कीती। 2010 च राष्ट्रीय स्कीम प्राधिकरण बनाया गेआ ऐ।

<><><><><><>

TEPA

यूरोपी मुख्य बपार संघ कन्नै जुड़े दे मुख्यें बपार ते आर्थिक भ्याली समझौते(टीईपीए) कन्नै 100 अरब डॉलर दा निवेश कीता जाग। इस समझौते कन्नै 99.6 फीसदी भारतीय निर्यात च बाद्धा होने दी समर्थ ऐ। भारत ते यूरोपी मुख्य बपार एसोसिएशन कन्नै जुड़े दे मुख्यें बश्कार मार्च 2024 च टीईपीए समझौता होआ हा। बंज बपार मैहकमे दे सचिव सुनील बर्थवाल हुंदी अगुवाई च नार्वे गेदे इक डैलीगेशन गी एह जानकारी दित्ती गेई ऐ। टीईपीए इक अल्ले कल्ले दा महत्वकांखी बपार समझौता ऐ जेह्दे राएं भारतीय उत्पादें गी ईएफटीए मुख्यें दे बजारें च पहुंच बनाने दे कन्नै शुल्क च 92.2 फीसदी रियायत बी थोन।

<><><><><><>

IMF Lanka

अंतर्राष्ट्रीय माली मदद आईएमएफ नै 2 अरब 90 करोड़ अमरीकी डॉलर दे माली प्रोग्राम तैहत त्री समीक्षा पूरी करने मगरा श्रीलंका कन्नै स्टाफ स्तरै दे समझौते

ਦੀ ਘੋਸ਼ਣਾ ਕੀਤੀ ਏ। ਮੀਡਿਆ ਗੀ ਜਾਨਕਾਰੀ ਦਿੰਦੇ ਹੋई ਅੰਤਰਾਸ਼ਟਰੀਯ ਮਾਲੀ ਫੰਡ ਦੇ ਮਿਸ਼ਨ ਦੇ ਸੀਨਿਯਰ ਪ੍ਰਮੁੱਖ ਪੀਟਰ ਬ੍ਰੇਅਰ ਹੋਰੇਂ ਆਖੇਆ ਜੇ ਸ਼੍ਰੀਲੰਕਾ ਦੇ ਸਥਿਰ ਤੇ ਸਮਾਵੇਸ਼ੀ ਭਵਿੱਖ ਲੇई ਬਰੋਬਰ ਸੁਧਾਰ ਕੀਤਾ ਜਾਨਾ ਜਰੂਰੀ ਏ। ਅੰਤਰਾਸ਼ਟਰੀਯ ਮਾਲੀ ਫੰਡ ਨੈ ਪਿੱਛਲੇ ਬ'ਰੇ 4 ਫੀਸਦੀ ਦੀ ਔਸਤ ਕੁਲ ਘਰੇਲੂ ਉਤਪਾਦ ਦਰ ਦੇ ਬਾਢੇ ਸਮੇਤ ਸ਼੍ਰੀਲੰਕਾ ਦੀ ਪ੍ਰਗਤਿ ਦੀ ਤਰੀਫ ਕੀਤੀ।

<><><><><><>

J&K - RTI

ਜੰਮੂ ਕਸ਼ਮੀਰ ਦੇ ਮੁੱਖ ਸਚਿਵ ਅਟਲ ਡੁਲ੍ਹੂ ਹੋਰੇਂ ਜੰਮੂ-ਕਸ਼ਮੀਰ ਚ ਸੂਚਨਾ ਦੇ ਅਧਿਕਾਰ ਸਰਬੰਧੀ ਪੋਰਟਲ ਗੀ ਇਸ ਬ'ਰੇ 10 ਦਿਸੰਬਰ ਤਗਰ ਸ਼ੁਰੂ ਕਰਨੇ ਦੇ ਨਿਰ್ದੇਸ਼ ਦਿੱਤੇ ਨ। ਆਨਲਾਈਨ ਆਰਟੀਆਈ ਪੋਰਟਲ ਵਿਕਸਿਤ ਕਰਨੇ ਸਰਬੰਧੀ ਕੰਮੇਂ ਦਾ ਅੱਜ ਜੰਮੂ ਚ ਲਾई ਗੇਦੀ ਇਕ ਬੈਠਕ ਦਰਾਨ ਜਾਯਜਾ ਲੈਂਦੇ ਹੋई ਮੁੱਖ ਸਚਿਵ ਹੋਰੇਂ ਸਰਬੰਧਤ ਅਧਿਕਾਰਿਓਂ ਪਰ ਜੋਰ ਪਾਯਾ ਜੇ ਓਹ ਇਸ ਬ'ਰੇ 10 ਦਿਸੰਬਰ ਤਗਰ ਏਹ ਸੇਵਾ ਲੋਕੇਂ ਦੇ ਨਮਿਤ ਲਾਨੇ ਲੇई ਸੱਬੈਂ ਮੁਮਕਨ ਜਤਨ ਕਰਨ। ਉਨੇਂ ਇਸ ਪੋਰਟਲ ਦੇ ਸ਼ੁਰੂ ਹੋई ਜਾਨੇ ਤਗਰ ਰੋਜੈਂ ਦੇ ਰੋਜ ਏਹਦੇ ਕੰਮੇਂ ਦੀ ਨਿਗਰਾਨੀ ਲੇई ਬੀ ਹੁਕਮ ਰਸਾਲ ਕੀਤਾ। ਉਨੇਂ ਸਾਮਾਨ੍ਯ ਪ੍ਰਸ਼ਾਸਨਿਕ ਵਿਭਾਗ – ਜੀਏਡੀ ਪਰ ਜੋਰ ਪਾਯਾ ਜੇ ਓਹ ਹਰ ਇਕ ਮੈਂਹਕਮੇਂ ਥਮਾਂ ਸਰਬੰਧਤ ਅਧਿਕਾਰਿਓਂ ਤੇ ਨੋਡਲ ਅਫਸਰੇਂ ਗੀ ਏਹਦੇ'ਨੈਂ ਜੋੜਨੇ ਦੇ ਪ੍ਰਾਵਧਾਨ ਕਰਨ। ਵਿੱਤ ਵਿਭਾਗ ਸਨੇ ਸੂਚਨਾ ਟੇਕਨੋਲਾਜੀ ਵਿਭਾਗ ਦੇ ਪ੍ਰਧਾਨ ਸਚਿਵ ਤੇ ਹੋਰਨੇਂ ਬਡੇ ਅਧਿਕਾਰਿਓਂ ਬੀ ਇਸ ਬੈਠਕਾ ਚ ਹਿੱਸਾ ਲੈਂਤਾ। ਇਸ ਮੌਕੇ ਪਰ ਏਨਆਈਸੀ ਆਸੇਆ ਨੇਸ਼ਨਲ ਈ-ਵਿਧਾਨ ਏਪਲੀਕੇਸ਼ਨ ਦੇ ਰਾਹੇਂ ਡਿਜਿਟਲ ਵਿਧਾਨਸਭਾ ਦਿਓਂ ਸੰਭਾਵਨਾਓਂ ਬਾਰੇ ਜਾਨਕਾਰੀ ਦਿੱਤੀ। ਇਸ ਮੌਕੇ ਇੱਥੀਂ ਦਸਸੇਆ ਗੇਆ ਜੇ ਸੰਸਦੀ ਮਾਮਲੇਂ ਸਰਬੰਧੀ ਮੰਤਰਾਲਯ ਨੈਂ ਇਸ ਉਦੇਸ਼ਯ ਲੇई 22 ਕਰੋੜ 62 ਲੱਖ ਰੁਪੇਂ ਦੀ ਰਕਮ ਬੀ ਉਪਲਬਧ ਕਰੋਆਈ ਦੀ ਏ।

<><><><><><>

Traffic Meet

जम्मू-कश्मीर ट्रैफिक पुलसा दे इंसपैक्टर जनरल मोहम्मद सुलेमान चौधरी होरें केन्द्र शासित प्रदेश च ट्रैफिक दी मजूदा चुनौती कन्नै निब्वडने लेई ट्रैफिक पुलस दिएं सब्बनें इकाइएं दे प्रमुखें कन्नै इक बैठक लाई। इस दरान ट्रैफिक दे असरदार ढंगै सिर प्रबंधन दी दिशा च पेश आवै करदी चुनौतिएं दे मसलें दी पन्छान करने पर मुख करियै ध्यान केन्द्रित कीता गेआ। आईजी होरें सब्बनें सुपरवाईज़री अफसरें गी निर्देश दित्ता जे ओह सिडक सुरक्षा जकीनी बनाने लेई सर्वोच्च अदालतै दे दिशा-निर्देशें मूजब गै मुकामी स्तरै पर बी अपनी रणनीति तैयार करन। एहदे अलावा ट्रैफिक सीगे दे सब्बनें एसएसपी-एं गी निर्देश दित्ता जे ओह मते रश आहले समें दरान आपूं बक्ख-बक्ख इलाकें च जाइयै निजी तौर पर निगरानी करन। एहदे अलावा उनें गी इब्बी आखेआ गेआ ऐ जे ओह नाबालिगें आसेआ गडिडयां चलाए जाने, शराब पीईये गडिडयां चलाने ते तय कोला मती रफ्तार च गडिडयां चलाने आहलें खलाफ कार्रवाई जकीनी बनान।

<><><><><><>

Cricket

क्रिकेट च, भारत नै अस्ट्रेलिया कन्नै खेड्ढी जा करदी 5 टेस्ट मैचें दी बार्डर-गवास्कर ट्राफी प्रतियोगिता दे पैहले मैच दी अपनी दुई पारी च 218 रन्जें दी बढ़त हासल करी लैती ऐ। अज्ज दिनै दा खेड्ढ मुक्कने तगर भारत नै बिजन कोई विकेट मुहाए दे 172 रन्ज बनाई लैते। भारत दे सलामी बल्लेबाज यशस्वी जैयसवाल होरें 90 रन्ज जिसलै के के.एल. राहुल नै 62 रन्ज बनाए ते अज्ज दिनै दा खेड्ढ मुक्कने तगर एह दौनें गै क्रीज पर टिके दे हे। एहदे शा पैहले मेजबान अस्ट्रेलिया नै अज्ज बड्डलै अपने कल्लै दे स्कोर 7 विकेटें दे नुकसान पर 67 रन्जें शा अगगे खेड्ढना शुरु कीता ते उंदी पूरी टीम 104 रन्जें पर सिमटी गई। भारती कप्तान जसप्रीत बुमराह नै 5 विकेटां जिसलै के हर्षित राणा नै 3 ते मोहम्मद सिराज नै 2 विकेटां अपने नांS कीतीआं।



Military Championship

भारत नै अर्मेनिया च विश्व सैन्य चैंपियनशिप च 3 सुन्ने दे, इक चांदी दा ते 3 कैह दे तगमे समेत कुल 7 तगमें जित्ते न। भारत दी रीतिका हुड्डा नै महिलाएं दे 76 किलोग्राम भार दी श्रेणी च ज्योति सिहाग नै 55 किलोग्राम भार दी श्रेणी च ते जयदीप नै मर्दे दे 76 किलोग्राम फ्रीस्टाइल भार दी श्रेणी च सुन्ने दा तगमा जित्तेआ ऐ। मर्दे दे 70 किलोग्राम फ्रीस्टाइल च सूनेदार शहवान नै चांदी दा तगमा हासल कीता। मर्दे दे 57 किलोग्राम फ्रीस्टाइल च शुभम ते 79 किलोग्राम फ्रीस्टाइल च चन्द्रमोहन नै कैह दा तगमा जित्तेआ। प्रियंका नै 65 किलोग्राम महिला वर्ग च कैह दा तगमा हासल कीता। भारत नै इस ब'रे पैहली बारी विश्व सैन्य चैंपियनशिप च महिलादल गी भेजेआ हा।

